

藏經書院版

卍
續藏經

第 126 冊

中國撰述

禪宗語錄別集部

新文豐出版公司
印行

已續藏經.——臺一版.——臺北市：新文豐，[民82

-]

冊；公分

ISBN 957-17-0665-5（一套：精裝）

——ISBN 957-17-1237-X（第一二六冊：精裝）

1.藏經

221.08

82000521

所有



版權

印發行所及
新文豐出版
股份有限公司

發行人高
本
釗

編輯者藏
經書
院

新編
已續藏經
全一五一冊
第一二六冊

精裝一冊基價一五·五五元正

中華民國八十三年十月台一版三刷

公司：臺北市雙園街九十六號
電話：三〇六〇七五七·三〇八八六二
門市部：臺北市羅斯福路一段二一號八樓
電話：四一五二九三·四一五二九四
台北郵政特准掛號認爲新聞紙類
登記證：郵政特准掛號認爲新聞紙類
郵政劃撥：三五六八〇七六·三〇二二八七〇
傳真：三五六八〇七六·三〇二二八七〇

22090200（精：一套）

22090326（精：第一二六冊）

佛尼牟迦釋師本無南



卍續藏經第一二六冊目錄

新文豐出版公司影印卍續藏經會編印

中國撰述 禪宗語錄別集部

爲霖禪師旅泊菴稿四卷附道霖集禪海十珍	弟子 太泉等純興燈錄	0001
宗寶道獨禪師語錄六卷	法孫今釋重編	0095
湛然圓澄禪師語錄八卷附宗門或問	門人明 凡錄 了元公 編 祁駿佳	0174
玄沙師備禪師廣錄三卷	參學智 嚴集	0351
玄沙師備禪師語錄三卷	明林弘衍編次	0407
薦福承古禪師語錄一卷雲門宗法嗣未詳	門人文 智編	0435
法昌倚遇禪師語錄一卷	小師宗 密錄	0460
吳山淨端禪師語錄二卷	法孫師峻重編	0490
慧林宗本禪師別錄一卷	嗣法慧 辯錄	0518
慈受懷深禪師廣錄四卷	侍者 善清善隨 宗先普紹 編	0533

紫柏尊者全集三十卷之內自卷首至二十四……………明德清閱……………0619

1711.10.10

旅泊菴稿序

天地一逆旅也。日月往來山河流峙。逆旅中之世界也。二乘禪寂。四生升沉。逆旅中之衆生也。三世諸如來歷代諸祖師。逆旅中之舟航也。三藏十二部三千七百則逆旅中之輿杖也。粵自道法東壇。龍象代興。或乘運而生。或應緣而起。雖莊嚴梵行而視緣境常若空華。雖廣坐道場而等此身有如幻寄。首楞嚴經云。旅泊三界。示一住還。昭此旨也。

爲霖霽公禪師。佩洞上之法印。續石鼓之燈傳。自其開法茲山。唱道雙塔。挾去風塵之翳。眼喝破道路之迷關。三十年于此矣。辛亥之秋。頓謝曲衆。長扶柳標。山陬水浚。任意以逍遙。佛境魔宮。隨緣而自在。然而杖錫所至。卽成叢林。提拂偶拈。皆爲法社。師之跡愈晦。而道愈顯矣。於是會城縉素。啓請慇懃。寶福舟車重繭。往反師不能終遁。遂以是歲之夏。振錫還山。余逐隊迎謁。屢夕諮參。因得讀師近刻語錄。師自署曰。旅泊菴稿。嗟乎。十餘年來。大海爲游龍之曠宅。虛空作雲鶴之家鄉。師眞所謂去無所粘。來無所至者矣。

旅泊之名。意在斯乎。是集曲隨機宜。洞中肯綮。徹佛祖之骨髓。探宗教之源流。至其雜著諸編。亦復海涵。嶽負。玉潤珠圓。一代之法匠。宗工舍大師其誰歸乎。法華經云。有一導師。善知通塞。險難道路。故能導彼衆人。前至寶所。今而後茫茫無涯之苦海。有岸知歸。杳杳無盡之重關。無幽不剖。逆旅中人。請各留心。如其不然。其不爲捨父逃逝之窮子者幾希矣。

皆

康熙甲子臯月上浣溫陵弟子龔錫瑗鹽手拜譔

旅泊菴稿序

原夫大地羣生。迷失眞性。認物爲己。流轉生臥。不知其幾千萬劫。由是佛祖出世。隨宜說法。喝破迷關。令其返本。其間或出或處。或語或嘿。各因其時。不失其正而已。豈有實法哉。

吾師霖公和尚之謝事石鼓也。痛法門之混蓋。世變之日下。慨思中峯四居之意。山邊水邊。任緣漂泊。以自晦養。乃取首楞嚴旅泊三界示一往還之語。名其

菴曰旅泊志無住住也。廼法乳淪浹地皆周杖錫所至。四衆環集蔚成叢林。如風行水上渙然成文。而初非有心得無旅人無家而無處。非家耶。然桂性彌辣。冰心愈冷。初至富沙。俯從衆請建殿立塔。有同挿紳聚沙大功落成。卽棄之去。凡遇名聞利養。雖然橫陳。如經蠱毒之鄉。水亦不敢沾著。一滴蓋師弱冠參方。早已觀破世相。志求大法。以自利利他。不爲世間石火電光。瞥轉間虛妄聲利也。故出世說法近三十年。而超然物表。卓然獨立。令人可仰而不可卽。且生平不畜長物。隨得隨散。惠施不吝。而獨慎重大法。不輕以與人。故作不輕授受論。以見志蓋其擇法嚴明。不忍以相似學解而混淆眞源。嘗歎今時學者。於如來聖教。量大經大論。弁髦視之。於古德親悟親證。機緣初入門來。便相傲翬。師資欺誑。作世諦流布。甚至大言不慚。壞却心術。故在鼓山時。卽禁止上堂小參。及拈頌等後。居旅泊及手纂金剛判定記略。旣而又纂華嚴疏論二部。乃法門大典。刊布天壤間。蓋欲得一二夙有靈骨者。從般若門入華藏海。栖心法界。繁

興普行庶藉此藥其痼疾挽其頽瀾不然何所砥止哉。自清涼棗栢而下。僅一見之其衛道之功不可思議。本詎能贊一辭。惟是旅泊有稿。若法語若偈頌。以及雜著序論傳記等體。非一格文。兼衆長要皆自慧海流出。無非闡佛祖之心。宗開後學之智。眼懲末流之積弊。燭迷塗之重昏。集成鉅軸。不輕示人。本追隨憾。晚感激恩深。一日侍師於寶福方丈。得一盤讀。乃喟然歎曰。師其乘大願輪。現旅人身。而爲說法者歟。何其荷擔大法。奮力向往。有若此也。因與同學飛卿啓鑰二公。請梓流通。用廣法施。天下後世必有具擇法眼洞見吾師出處語默。無非因時揀弊護持正法。爲後學者作扶膜金鍼。當不徒作文字觀也。謹焚香掃素。僭爲序諸卷首。

皆

康熙二十二年六月朔旦

學般若富沙弟子道本謝宏鍾鹽沐拜題

旅泊菴稿目錄

卷第一

法語

首序

白雲崇梵禪寺語錄

開元廣福諸錄

卷第二

法語

寶福禪寺語錄

頌

紀賢傳

十玄談提綱著語

卷第三

雜著

序三十一首

卷第四

雜著

題跋十二首

文七首

書二首

記四首

贊四十六首

銘八首

偈一百二首

疏十一首

聯十九首

旅泊菴稿卷一

非家叟說 弟子太泉錄

重興白雲崇梵禪寺語錄

師于康熙七年冬十月念一日進寺

三門 昔出此門去今入此門來可笑寒山子赤脚

下天台喝一喝

佛殿基 空王殿上誰是知音明月堂前無人能到

雖然如是只如現寶刹于毛端轉法輪于塵裏時如

何白雲本是無心物又被清風引出來

韋馱祠 護法護人唯此一杵且道此杵從甚麼處

得來喝一喝

伽藍祠 入火不焚憑誰之力靈山授記正在今日

祖師堂 有法可傳誑惑自己無法可傳誑惑於人

畢竟如何青天無電影火裏自生蓮

覺皇寶殿陞梁上堂拈香祝

聖竟乃云白雲禪窟列祖宗風斯道常存千古如昨

山僧今日向這裏重插一莖草雖則虛空樓閣却從

實地興修須知這一片實地人人本具未嘗欠少無

量劫來常在其中經行坐臥只是不曾踏著既常在
其中爲甚麼不曾踏著不見道日用不知若也知得
一任經天緯地旋乾轉坤熱惱場中開闢清涼世界
紅塵堆裏建立水月道場普與盡大地一切有性無
性同明此事同證此法同度生死河同達涅槃岸圖
報莫報之恩仰助無爲之化只如今日直豎擎天玉
柱高陞承棟綵梁實地上一句如何道究竟不曾離
脚下須知步步自騰騰復舉僧問開山約祖和尚不
坐偏空堂不居無學位此人合向什麼處安置祖云
青天無電影師云山僧則不然今日有人問不坐偏
空堂不居無學位此人合向什麼處安置但向他道
煩惱海中爲雨露無明山上作雲雷且道與約祖是
同是別有人辨得出許渠具眼

覺皇寶殿告成上堂師拈拄杖云華嚴經中道華藏
世界所有塵一一塵中見法界寶光化佛如雲集此
是如來刹自在所以盡法界虛空界無一刹一塵不
有釋迦如來坐寶宮殿爲一切衆生轉大法輪盡未
來際無有間斷山僧今日向一毛端上拈出一刹與

彼衆刹互相照耀互相涉入是我現前衆位宰官居
士善男信女以及法門眷屬各捨所有共相贊成亦
是我釋迦如來福慧莊嚴海中流出究竟清淨無二
無別況如來功流萬世而常存道通百劫而彌固無
一人不霑其法澤無一物不被其慈光見聞隨喜同
屈覺場合掌低頭齊成佛道只如今日一鋪功德圓
滿告成畢竟功歸何處密密善根盤性地滔滔福海
涌靈源卓拄杖下座

師到如是菴請隱含禪師住持白雲上堂蓮源暨公
福地雲山約祖道場乃卓拄杖云總在這裏建立這
裏是甚麼所在敢道天下人摸索不著唯有隱公禪
師受業茲地得法龍唐本色住山道久行于兩浙實
心爲物德已洽于八閩可謂末劫津梁狂瀾砥柱故
能向這裏赤身擔荷不借他力只如今日親到山頭
主賓道合一句如何道劈開華嶽連天秀放出黃河
到海清復云盤山陟嶺到如是敦請隱公住白雲且
喜全身爲擔荷塔前花雨已繽紛卓拄杖下座
師到董巖傳公羨昆仲同母廬氏請上堂盡大地是

箇極樂世界何處更著娑婆盡大地是箇阿彌陀何處更有衆生既無衆生亦無諸佛既無娑婆亦無淨土露裸裸赤漚漚沒可把忽有箇不慕諸聖不重已靈底漢子直下承當向萬仞崖頭撒開兩手全身拋下氣息不存然後甦醒起來于無佛處作佛無法處說法無衆生處度生仰報四恩普資三有始不愧爲釋迦老子脚下兒孫此山自雲陽和尚開山壽昌博山真寂三位老人過化至今龍象濟濟真風不墜山僧今日到此吐露一上已是向潔白地上撒却不淨了也還有爲山僧掃除者麼喚來好與三十痛棒師到壽山封君李公白生居士請上堂僧問臨濟則不問如何是曹洞宗師曰殺人不見血進云世尊拈花迦葉微笑意旨如何師曰大衆笑你進云請師證明師曰汝作麼生會僧無語師便打乃云三世諸佛只是悟的衆生一切衆生只是迷的諸佛迷則探空花子翳眼悟則破夢境于多生故衆生悟即是佛佛迷即是衆生忽有箇漢出來問諸佛幾時迷不免向他道關繫幾時悟到這裏直饒道得箇轉身句子迷

悟兩忘生佛俱盡鼓山門下正好買草鞋行脚何也爲他方在途中未是到家消息且如何是到家一句乃卓拄杖云遊遍恒沙國從來不出門復云壽山潭上古禪林仰荷檀那願力深不負靈山親囑付金湯大度迷津下座

師到報親菴王時御居士領衆設齋請上堂父母非我親誰是最親者諸佛非我道誰是最道者昔日古老人在這裏開箇鋪席以供養爺娘香火作佛事要使一切人知有眞父母如那吒太子析骨還父析肉還母然後現本身爲父母說法始能報父母之恩山僧今日到此喜其叢林無恙衣鉢有傳政借主人威光特與大衆商略只如析却骨肉還父母了畢竟如何是諸人自己本身良久云莫對曾參問曾皙從來孝子諱爹名

董巖悟實上座等請示衆師云董巖自雲陽和尚開山以來已百有餘載壽昌老祖及博山真寂諸大善知識皆開法于此可謂天下希有法窟僧衆住此者放下身心動經三四十載可謂天下希有僧衆自檀

越趙豫齋老居士。至今愛公先生子孫護持。凡四世可謂天下希有。檀越山僧。蒙召來山。終日吃齋吃茶。未敢輕易開口。今晚因悟實三位上座。請爲大眾開示。不免因風吹火。爲大眾叨咀。一上三界六道中。唯人身爲難得。而遇佛法出家者。尤難荷。不知出家爲何事。終日忙忙不解。反本豈不辜負平生。且道出家畢竟爲甚麼事。豈不聞世尊云。辭親出家。誠心達本。解無爲法。名曰沙門。何以要識心耶。蓋爲衆生不識真心。認著妄想。造業受報。沉淪生死。無有出期。故首楞嚴經云。一切衆生。皆由不知常住真心。性淨明體。用諸妄想。此想不真。故有輪轉。所以沙門釋子。貴要識得自己真心。若人識得。心大地無寸土。更有甚麼生死耶。何以要達本耶。世間萬法。皆有根本。何獨人而無本乎。楞嚴經中有二種根本。一者無始生死根本。卽衆生認攀緣心。爲自性者。二者菩提涅槃元清淨體。卽識精元明。能生諸緣。緣所遺者。若也辨得明白。自能返妄歸真。會物爲己。始名沙門。何以要解無爲法耶。蓋爲衆生貪著有爲。殊不知有爲之法。因緣

所生。似有非實。故金剛般若云。一切有爲法。如夢幻泡影。其無爲法。非生因之所生。唯了因之所了。故解得無爲法。始名沙門。今日有人問山僧。如何是心。向他道。山河大地。問如何是本。向他道。未有山河大地時。會取問如何是無爲法。向他道。運水搬柴。若向這裏。直下領荷得去。掣起便行。不歷化城。直屆寶所。豈不快哉。如或不然。且放下身心。十二時中。靜坐片時。返觀始得。古德云。若不安禪靜慮。到這裏。總須茫然。故須攝念坐禪。用心體究。以歲月磨之。無有不相應者。又六時課誦。起於廬山。東林遠法師。當時同社。緇素一百一十人。皆生淨土。董嚴六時課誦。諸方所無。果能以至誠心。深心。迴向發願。心精懃。禮念六時。不缺爲淨土資糧。乃是我輩沙門釋子。把本修行。臨命終時。不被業緣牽去。墮落三惡道。往生淨土。花開見佛。識心達本。解無爲法。決定無疑。又半月誦戒。三世諸佛儀式。發露懺悔。改往修來。全在此舉。不可忽略。如上所舉三件。大眾果不以人棄言。大家互相策勵。決志力行。自然叢林鼎盛。龍象傑出。轉化將來。報佛

恩德沙門之義庶幾無媿矣良久云夜深大眾久立且止葛藤

孝子楊鑑懺血盆齋請示衆師云凡有身者莫不有親凡有心者莫不知報親然而二親之恩如天之高明如地之博厚如日月之照臨何以能報若其臥冰而鯉躍泣竹而笋生是孝親之形者也嚙指而心痛刻木而血流是孝親之神者也夫形神感格有如此者然但可以致孝于現生之親非大孝也何者一切衆生無始以來于六道中舍身受身不啻其幾千萬億經云所積身骨如毗富羅山所飲母乳如四大海水故六道衆生皆是我父母能孝養一切衆生卽是孝養多生父母婆婆世界唯釋迦老子一人能修大孝故稱大孝釋迦尊累劫報親恩積因成正覺是由修孝行而致成佛況人天福報耶孝子楊鑑懺體佛之心修佛之行特爲亡考若嶼公妣張氏持齋三載誦經滿藏黃金殿上禮三世之慈尊孟蘭盆中供十方之僧衆仰酬罔極用展孝思馴至成佛永不退轉皆基此一念至孝之心且道這一念畢竟從甚麼處

起乃卓拄杖云靈根盤劫外葉覆在今時珍重

佛事

純一謝居士新塑伽藍開光

恭惟白雲山崇梵禪寺葉替呂三聖菩薩曾向靈山親受記分身處處衛招提白雲一片袈裟地尤賴神心密護持只如今日寶殿重興靈儀再塑拈起龜毛之筆點開不夜之光一句作麼生遂點睛云無量劫來原不昧輝天鑒地豈由他

禮開山約祖禪師塔

翠微之胤白雲之宗水陸不涉直到其中其中事作麼生一塔稜層尊祖彌千峯羅列拜兒孫

禮作祖禪師塔

聖前分燈到此間富沙法化起雲山古今無間眞消息一帶清溪遠座間

禮報親古航和尚塔

潭上多年駕鐵缸至今遺韻尙冷然我來瞻禮元無間一縷檀雲繞塔前

本師和尚父母神主前上供拈香

師道是吾道師親卽我親瓣香纔舉處法界現全身

三世佛開光

三世如來一法身眞光點出見丰神大衆還見儂家
麼旋螺紺髮千峯碧滿月慈容萬國春逢禮拜

隱含和尚遷化

樓空生死窟推倒涅槃山兩頭俱坐斷撒手出重關
恭惟白雲堂上隱公和尚續耶溪脉秉龍唐令立足
那畔垂手今時大開五位立門直指一心捷徑善說
法要頓教魔外潛蹤慣穿金針任是衲僧罔措精勤
荷道樸實爲人旣因眞而果眞乃頭正而尾正方期
法雨久霑詎意慧月西沉大地無光叢林失色嗚呼
哀哉雖然如是預定歸期在今日正令全提甚綿密
推入虛空掩上門直教佛眼觀不及噴遂封封齋

隱公面目不曾藏山蒼蒼兮水泱泱生耶死耶護度
量千古萬古一爐香掛眞

隱公別去已三年白塔歸然傍院邊今日我來掃寒
葉一輪明月蘸前川掃塔

恒璞禪師遷化

雲山化雨正續紛忽報西歸不忍聞自是羣生福力
薄人天眼滅詎勝愁只如今日薦此一盃香若恒公
和尚還肯諾否良久云夜明簾外金風冷萬象森羅
盡點頭上供

以性空之火焚泡沫之身身外無火火卽是身火外
無身身卽是火火不燒火身不焚身直饒身火兩忘
猶未是恒公棲泊處大衆還知恒公落處麼勝熱門
前風凜凜刀山火聚自如如遂擲入火炬茶毗

詩

邑侯余公設供次潘明府士雲居士韻

諸公皆國士連轡出東方論政知民瘼談禪有智光
餐香方得味入佛始無旁冬日何和藹渾忘餐已霜
謝簡生廣文過訪次扇頭韻奉答

佛儒千載有同心今日相尋意特深不老溪山曾識
面一新鐘鼓欲聞音出迎未倒熊峯履濟物先期傳
說霖滿握清風來不盡更遺唾玉在珠林

福先寺禮慈濟慈戒二大師眞身和白玉蟾

韻眞身一
仰一俯

大道渾今古眞身孰後先但知心是佛何用別求仙
俯視人多味仰觀物盡禪留慈爲度世香火幾經年

十四景詩有引

余幼脫白此山不知此山面目浪遊方外餘三十
年今日再來一周覽頗領其趣乃收前後左右
諸形勝名字可考者列爲一十四景繫之以七言
絕句用徵諸名公佳作以光泉石拋磚之謂余曷
敢辭

鶴舞丹青

在寺之東北其形如鶴故名郡志云東晉時望氣者言山有異氣命

工鑿之朝
鑿基合

何年飛舞下雲間一望昂然出衆山清唳一聲天地

曉氤氳瑞氣滿塵寰

鸞驂古渡在寺之左畔漢梅福於此跨鸞昇天

漢室當年事已傾挂冠歸去學長生跨鸞道士今何在渡口猶傳仙子名

仙翁撒網

即寺之後屏其山圓而上圓而下圓形如撒網

石爛松枯局已終却來撒網取金龍巍巍獨擁雲山後捧出輝煌釋梵宮

二童講書在寺之西南兩峯對峙形如二童

二童討論竟忘年欲盡羲皇一畫前講到忘言最深處笑看明月落前川

梅峯朝座

即寺之正朝也其峯五瓣形如梅花

五葉花開獻座前冰肌雪骨照人妍等閒拈出誰相委却憶頭陀一笑賢

梨嶽轟雲

在寺之東南奇秀峭拔形如屏帳爲近城諸山之最

東南屏帳起高峯拂漢摩雲勢自雄不用登臨勞展齒朝朝爽氣入簾櫳

猛虎跳牆

其山在寺對岸阿中其形如虎前有方山截住勢欲跳出而不能

鴻濛剖判已成形踞巖阿似聽經欲跳重垣過遠

岫恐驚師子

指鉄獅峯下雲屏

白鷺啣鰍在猛虎之陽即前方山是也其形似之

何處飛來立水濱鰍魚啣口活鄰鄰春風春雨青如黛失却通身白似銀

雙象前伏

在寺前隔岸兩山圓伏牙鼻俱全謂之大小二象

馴性由來不用牽雙伸長鼻捲湖邊蠻奴鈎杖渾無用獨許山花相對眠

孤燕下巢在永安寺右即白雲下砂也

紫燕孤飛下遶來結巢於此豈安排乳兒不用啣虫力自有天花點綠苔

清溪遶帶溪自松政而來其形如帶橫遶寺前

匹練橫拖遶寺來青山勒轉水瀟洞風停波靜平如掌殿閣峯巒一鏡開

滄洲鋪穩其洲長亘寺前縱橫二里許鋪穩乃堪輿家言也

滄洲平曠若鋪穩老圃紛紛競灌園倚杖門前聊縱望沙鷗驚起碧溪邊

游魚上下二山在隔岸溪邊一上一下其形似魚故名

上下孤山一似魚游揚擬到白雲居任公不用輕垂釣萬古風雲只自如

寶蓋飛颺其山在寺前隔岸圓頂飛帶形如寶蓋故名

亭亭寶蓋自天垂綰帶遙飛到水湄將向梵宮持獻佛一溪隔斷自疑疑

旅泊菴稿

非家叟說 弟子等純同錄

開元廣福諸錄

開元寺大雄寶殿陞梁上堂僧問梵宇輪奐即不問如何是接物利生底句師云空中書梵字進云怎麼即重重寶閣雲中現萬象森羅盡點頭師云古殿正重興僧禮拜師乃云插標建刹充塞十方割麀出經掘開寶藏向無佛處作佛五綵繪虛空於無法處說法萬竅鳴天籟海底之泥牛駕浪雲中之木馬嘶風夜明簾外振家聲無影樹頭布春色正當恁麼時開元古殿輪奐維新林泉舊蹤微猷不替勇破四魔成佛名曰大雄廣闢華藏玄門來者直入若千林之互照如兩鏡之含光涉入重重無壞無雜嚴佛土於億劫贊皇圖於永年誘引諸子推排出火宅之門拯拔迷流踴躍登菩提之岸且道畢竟從甚麼處建立良久云拈出紅爐一點雪長作人間六月冰復舉開元瑩禪師上堂語云有一面鏡到處懸掛凡聖不來誰上誰下拈拄杖云這箇是拄杖那箇是鏡良久云萬

古碧潭空界月再三撈撓始應知師云歷劫無名彰爲古鏡只要諸人知有不爲他影子所惑蓋禪師大有爲人處山僧今日亦有一偈不免舉似大眾有一面鏡到處懸掛凡聖普現非內非外豎拂子云這箇是鏡喚甚麼作拂子還委悉麼分明覲面別無真休更迷頭猶認影下座

多寶佛塔合尖陞座師云浮圖再造多寶獨露全身舍利斯藏釋迦已分半座壇場嚴淨卽是三變淨土縑素雲集何異十方分身風鳴萬竅如來親說法華鳥噪千林寶塔出聲讚善古今一際凡聖一源體用一如因果一法靈山一會儼然未散也更看巍巍寶頂高踞七級之巔燦燦金光遍照普天之下直使有眼者見有耳者聞有心者知有口者說乃至童子嬉戲散心念佛以及合郡官民紳士男女老幼施食施財搬磚運土凡於此塔舉一念捨一錢用一力者皆在如來授記之中不特人天勝福而已諸人還自信麼良久云我不敢輕於汝等汝等皆當作佛下座翠巖寺建殿陞梁示衆師云一毛端上現寶王利百

福莊嚴普天歡洽梁柱枋桷主伴重重共相成立無作之功正恁麼時且道如何是主中主乃云寶梁纔架起佛日永昌明

吳如公居士七袞誕辰請陞座師云未出胞胎以前萬劫剎那既出胞胎之後剎那萬劫大眾還知這一剎那麼釋迦老子在剎那裏降神咒率誕質王宮指天指地以稱尊自覺覺他而成佛度羣生於沙界轉法輪於大千歷代祖師在剎那裏不立文字直指人心見性成佛如公居士在剎那裏學儒學佛著述立言年屆古稀刃遊道妙乃至三教九流四民萬姓以及蠢動含靈蠅飛螻動總在剎那裏放光動地各得隨宜受用無欠無餘須知這一剎那如天普覆似地普載窮先天而不見其首究後天而不見其蹤更說什麼軒轅甲子循環往復直饒數盡塵點劫猶未知他邊際在且道這一剎那畢竟是什麼人建立還知麼良久云觀河不改初年見世數論量空裏花若問如公居士壽但看此見更何涯

寶善菴開塔請舍利